

卷一

張右史文集卷第二十三

七言律詩

渡洛因泛舟東下數里頗憶淮上

汴水清洛轉山隈
渺渺東流不復回
輕鳥竟隨青嶂去
亂波爭泛夕陽來
偶驚舟楫鄉心起
乍脫塵埃病眼開
疑是昨臨郭門外
月明帆席過清淮

縣齋

只合門如野叟家
市朝名利苦諠譁
但知得

醉頻酤酒何處逢春不見花暗樹五更雞報
曉晚庭三疊鼓催衙知君宰邑端無事吟笑
何妨到暮鴉

和周廉彦

天光不動晚雲垂芳艸初長襯馬蹄新月已
生飛鳥外落霞更在夕陽西花開有客時攜
酒門冷無車出畏泥修禊洛濱期一醉天津
春浪綠浮堤

春日遣興

流光向老惜芳菲搔首悲歌心事遠綠野染
成延晝永亂紅吹盡放春歸荆榛廢苑人間
收風雨空城鳥夜飛斷送一翻桃李盡可憐
桑柘有光輝

又

日烘烟柳軟于絲桃李成塵綠滿枝芳草有
情隨處好落花無賴信風吹關心傷感知何
處過眼芳菲能幾時一病春來妨痛飲遣愁
唯有強裁詩

錢仲珣追船及陳留

野岬南風百草長
汴水卷沙黃
扁舟轉拖迷城市
送客追船羅酒漿
休唱陽關傷遠別
所欣尊菜入新堂
宦名衰晚君無問
便得封髮髮已蒼

遣興次韻和晁應之四首

一
日落村墟烟靄青
草根促織晚先鳴
群山袞袞望中去
新月娟娟愁裏生
暗峽風雲秋慘

二
淡高城河漢夜分明
寄書故國還羞澁
白首蕭條老病嬰

洛陽宮殿鏤埃塵
翠輦東還度幾春
隻闕曉雲連太室
九門晴影動天津
地歲寶鼎寧無
後龍護靈書
固有神游豫
此時期聖主保釐
從古仗元臣

三

女兒山前雲雨收
五更星斗轉西樓
蒼江淡

月闕河曉裊，西風觀閣秋。寂寞有求時，飲啄孤雲無事任。沉浮可憐白髮，張公子還望西山歌四愁。

四

露下風悲螢火流，周南羈客意悠悠。山川老去三年淚，關塞秋來萬里愁。慣逐魚禽語異俗，每因霜月夢滄洲。一拋硯井雙蓬鬢，天畔詩成獨倚樓。

新霽

園門幾日新行蹤，新霽欣然路小通。晚萼有情開宿雨，長林盡日舞高風。后皇佳植寧無摘，鸞鳳永棲亦有桐。不惜園林娛逐客，此情誰似主人翁。

典李文舉登夢野亭

樽俎相逢散百憂，雖非吾土共登樓。天邊雲送荆王雨，江上楓彫宋玉秋。華髮不堪懷故國，清杯相與散牢愁。清談七澤誰強健，莫學騷人賦遠遊。

登夢野亭懷旧夢野城中佳處到此
方一登

曾上高臺望翠微重尋當嘆客難期章華奔
蒼無尋處雲夢逶迤寒更遲墨客多情曾痛
飲玉簫何處弄妍詞請君點檢當時事應只
朱顏非旧時

北堂齋居示鉅結

窮臘貧家絺紵單可堪過兩夜堂寒屏除葷
酒神應爽談咲詩書樂未閑淨境眼前無俗
物清都夢到有飛翰雞鳴月落紙窓白疑是
從天風取還

送復守張炯朝奉罷歸

一夢西都十二年竟陵相遇各華顛風流家
世仁人後愷悌歌謠楚俗傳學道愛君甘淡
薄倦遊嗟我久留連自憐江上傷春眼不待
琵琶已泫然

歲日同郡官朝天慶回偶成

清曉琳宮拜謁還馳裘犹怯夜霜寒春生七

澤蒼茫外日上三山縹緲間
投老埃塵從馬後異時班
綬近龍顏人間倚伏誰能料
一酌芳醪興未闌

尹曰嬉春因為此詩

蒼二老猶已消雪冉二烟蕪欲閉妍
園得青春數畝地
斷將平楚一方天
春風入戶如相覓
新月侵窓最可憐
老子婆婆便終日一壺

春酒典周旋

發安化回望黃州山

流落江湖四見春天
恩復典兩朱輪
幾年魚鳥真相得
從此江山是故人
碧落已瞻新月
故園好在日
次親此生已免朝
僉父莫避北風京洛塵

發雲山近岐亭望光蔡接尉氏

白草黃茅間瘦田
郊原殘暑已蕭然
澤連楚夢悲秋野
山近堯几望日天
濃綠遠陂鋪晚

稼幽香秋水折殘蓮熱行更益相如渴悵望
華陵陸子泉

贈僧介然

寒窓寫就碧雲篇客至斫茶手自煎儒佛故
應同是道詩書本自不妨禪長松千尺巢雲
窟寒嶠三更嘯月猿請以篇章為佛事要覘
半偈走人天

離光山驛

郵亭結束問殘更斜月西南雞未鳴草：勞

人常少睡綿：遠道苦無情田家稔熟人情
好野路雨餘秋氣清老得一州葺拙去鷓鴣
臺閣盡豪英

代人上文潞公生日

盛德元勳絕等倫麟符虎節冠宗臣灵椿上
古身千歲一柱明堂力萬鈞伐叛豹韜威尚
凜刊名金鼎鑄來新風謠四海占賢相笑詠
山川是主人萬里山河供氣稟九秋鵬鷲入
精神光華稷禹無窮譽強健喬松不老身坐

鎖熊羆瞻繡衣燕居私窄伴綸中只應便是
神仙事方丈蓬萊却未真

內生日

從我奔馳走四方清貧殊不厭糟糠黔婁環
堵貧常醉壽母高堂老亦康良險百為吾有
命窮通一意子真別今年生日心無事好為
兒孫舉壽觴

張右史文集卷第二十三

張右史文集卷第二十四

七言律詩

寄子由

萬里歸來真得仙七年瞻望漫惜二安閑
得還丹訣著論新成古史編應接強顏聊復
尔是非袖手獨超然門人白首侯已在眷戀
微官愧昔賢

又

文席他年聞至言艱難不敢墜周旋文詞老

去真何益道妙平生薄有緣
人事眼前唯欲睡丹徑時復
更誰傳清秋一室林泉好洒掃
思為杖屨仙

卧病月餘呈子由

節室悠々昏後朝強被莊子說
逍遙四禪未到風猶梗九轉無功
火不燒學道若為調鹿馬是身不實
似芭蕉丹砂赤箭功何有想聽清言
意自消

又

風葉鳴窻已復朝喚回歸夢故山遙
酒壺暗淡浮塵集藥鼎青熒敗葉燒
閉戶獨依寒蟋蟀移牀更就雨芭蕉
雪深更請安心術長日如年未易消

次韵李晉裕教授九日見贈

湍酌聊酬菊蕊黃登高仍在大山陽
笑談佳節賓朋集詩酒清歡興味長
倦客得閑聊欲飲老人雖醉不成狂
先生莫嘆蘘鹽久行見高才類出囊

謁太昊祠

千里垂精帝道尊
神祠近正國西門
風搖殿殿松杉老
雨入脩廊羽衛昏
日落狐狸號草莽
年豐父老荐雞豚
日遊零落今誰在
塵壁蒼苔字半存

上元後步西園

物態欣：換旧年收燈城市却蕭然
風光欲到冰霜樹
日月初回雨露天
近水遠山情脉脉
碧雲芳草思綿綿
酬春欲辨千缸酒
洒掃

花前作醉眠

上元思京輦舊遊三首

萬雉春城逼絳霄
上元雕輦盛遊遨
遲：瑞日低黃傘
焯：榮光上赭袍
雲卷珠簾開綠雉
山盤玉闕枕仙鰲
長安一別將華髮
溪竹山城夜寂寥

二

九門燈火夜交光
羅綺風來撲面香
信馬恣

穿深柳巷隨身偷看隔簾粧身拘薄官安知
樂心逐流年暗減狂苗滯山城莫嗟嘆貂蟬
從古屬金張

三

隨計當年寄玉京一時交結盡豪英倒觥凌
亂迷籌飲醉帽歌斜並轡行仕路飛騰翰俊
傑山城憔悴感功名佳晨強酌清樽酒寒竹
蕭々月正明

文周翰惠酒以詩謝之

一夢東都白髮新天涯同是吊靈均讀書久
誤平生事飲酒聊娛見在身謨上卧龍新得
雨江邊飢雁晚知春黃髯相見應相問為道
真成澤畔人時周翰自漢陽移齊安黃多髯
代余亦自復移齊安黃多髯

故

金陵懷古

控帶洪流古帝城欲尋旧事半榛荆六朝山
色情終在千古江声恨未平没險丘陵荒蔓
草帶城堞招接新耕十年重到無人問獨立

東風一愴情

都梁夜景 汴上亭名

浩：黃流注渺漫南山峰嶺對噴吐青燈覆
地巖城夜白月當天淮上寒酒市歌呼迷客
醉画樓燈火暗更殘扁舟老客無餘事擁褐
高眠夜未闌

大暑戲贈希古

去年揮汗對淮流寒暑那知復一周土潤何
妨兼伏暑火流行看放清秋鬢鬚總白難相
笑觀廟俱閑好並遊只怕樽前誇酒量一揮
百醖不言休

春晚有感

洛川三月鴨鵝鳴游絮紫空塵不驚茸草
色鋪風軟點：揚花著水輕何處浮雲度天
末不妨微雨破春晴江南有客增歸思悵望
汀洲蘋芷生

七月十五日希古生日以詩為壽

蒼頭白髮老祠官解后淮陽一笑歡且可吞

鯨危滿酒行看鶚五豸掣冠壽觴滿對秋風
舉生日欣逢伏暑闌閱世祝公松栢壽從來
霜雪不能寒

中秋無月戲呈希古年兄

放逐江湘一釣舟蕭條故國又逢秋炎涼始
信來如日歲月相催逝不留日落千蛩喧戶
牖風高一雁下汀洲地無積潦蟾華好誰買
新醪作夜游

病肺齒痛對雪

擁庭晴雪照高堂卧病悠悠廢舉觴肺疾僅
同園令渴齒傷不為幼輿狂交飛翠笋知誰
醉独嗅烏巾認旧香唯有烹茶心未厭故知
淡薄味能長

清明卧病有感

支離卧病逢佳節漂泊西遊寄洛城重帽畏
風唯益睡青筇扶步不禁行紅飄殘夢知風
急綠滿新枝聽鳥声不見賈生遺宅处空傳
金谷旧園名悲歎身世驚將老悵望古今空

復情笑看家人競時節爭持新火照清明

又

飄萍着處即為家伏枕悠悠對物華
處鞞競男女年々寒食亂風花
藥囊親坐勞頻檢酒甕生塵
亦可嗟未老會尋吳市卒
苦貧須種卽平瓜雲烟南望
群山會水樹東浮去洛斜行
止此身應有命不須辛苦問
生涯

次韵張公遠

襄王坐上徵詞客子建車前步水妃
曾過伍

鬢流眵處爭先含笑
獨來時東邊日下終無
雨闕上書時合有碑
賜斷吳王烟水國扁舟
何日逐鷓鴣

又

平淡春雲捧額浮秋光劍戟近
人流無腸可斷方為恨有藥能治
不是愁可待挑琴知有術未傳
驅豆更無謀遙知添得春窻夢
尤在尊前燭下羞

謝李別中

齋即好詩風調清語中有骨自老成愈銳愈
出當有名竭來宣城蓋為傾文章不如金滿
巖我昔曾力今乃懲少年平步取公卿安用
學此悞平生

泊舟都梁亭

旅枕無眠客夢勞五更旁舍一雞號
天淮水濶浮梁小城郭霜晴寶塔高
梅鎖冷香通雀啄水翻新綠出漁篙
君恩許作還鄉客肯對江籬賦廣騷

又

微春已動陳根綠晴日初流大澤嘶
客路苦寒唯飲酒老年便煖屨添衣
霜林背日梅遲折冰渚知春在早飛
江上三年陳迹在年一穿竹摘梅時

都梁雪天晚望

浮梁淮面欲飛騰金碧浮屠間玉層
古岸蕭條風卷雪長河咽絕水浮冰
面連淮汴殘年客蹭蹬塵埃一老僧
聞道都梁梅未折可隨

桃李畏嚴凝

大雪中李提舉惠玻璃泉兩盃

南山春色凍雲凝
暗火清燈急霰聲
栗烈殘年新度雪
玻璃美酒日知名
飢腸未慣猶空吼
凍臉何知輒妄頰
隱忍且須留一盃
晴明待作探梅行

又

峰高凍雪埋蒼石
河靜黃沙咽濁流
嗟我殘年為遠客
煩君雙盃散霧愁
屠蘇禦歲將傳盞
綠勝宜春欲挿頭
痛飲須知謀日富
無田何用度來麩

戲贈張嘉甫

鐵鎖沉淵誰敢干
塔中古佛澹無言
歲窮故里何時到
舟泊危亭盡日閑
博士糞鹽稀把酒
腐儒冰葛慣衝寒
藍輿未怯浮梁險
興發猶能走馬鞍

舟中書事

久客益知行路難
鏡中霜髮不須看
山川積

雪堅冰地舟揖長淮古汲間餽費主人勤俗
禮書來故里勸加餐北歸漸踏塵埃道盡日
危亭且看山

戲同小兒作望南京內門

別都制度擬王畿雙闕岿峩望太微萬乘旂
常難望幸九天樓觀自相輝百年龍虎興王
氣万雉金湯却敵威一夢江南尚淹泊風塵
似欲變征衣

同榮子邕登石家寺閣

高樓南望一傷神霽色東風萬里春地闊山
川圍白日天低觀闕近浮雲驚心鳥語知時
好照眼花枝著意新不是尊羹勝羊酪素衣
真怕洛陽塵

不出偶成

老人杖屨一茅亭花謝西園不復扁翠被一
方都蓋覆紅粧數子尚娉婷可憐鶯蝶狂都
歌頗覺風雲意有營聞說陂田雨三尺遠城
灑水種春杭

又

結茅亭下小池新
積雨通溝灑晚春
風掠塵埃出明鏡
影吞林木卧青雲
泥中蘋藻生无
数江上鷓鴣聖得聞
太液漸臺深斗極乘閑
杖屨得相親

和李令放稅

晚田既廢麥初耕
冠蓋侵星獨出城
但見飢寒號歲晚
不聞簫鼓賽秋成
倉无農父千斯
慶稅比周人什一
輕撫字從來須守令
莫辜

聖世念疲氓

贈無咎

快哉亭下水連城
落日斷霞相映明
人在捲簾尊俎裏
詩從揮麈笑談生
揚州何遜風流
在江夏黃香句法清

缺二句

仲夏

雲間趙盾益可畏
淵底武侯方熟眠
若無一雨為施澤
直恐三伏便欲然
筭商酤酒有底
急束帶坐曹真欲顛
平生不解作熱客
且復

飽食窺陳編

萬松亭有感

葦確山行穿翠微石雲松露濕秋衣
矍眊小睡還成夢諷咏新詩且療飢
千里歸來人事改四年辛苦日容非
祇應亭下青雲蓋依旧蒼腰聳耳十圍

五言附

細雨濕青松：間多好風翠光濃
欲滴對舞千蛟龍可惜青玉釵道邊委蒿蓬
幽人不汝

棄應有綠毛翁

送婿陳景初還錢塘

乃翁風節老弥堅嗣子清修學有傳
為愛詩書賢事業肯羞葛練拙包纏
經年上國勞歸夢一掉寒流放去舡
飽讀陳編勤筆研書來寄我好文編

登懸瓠城感吳李

將軍戈田從天下丞相旌旗匝地來
堪咲怒螳猶強臂不知蟄戶欲驚雷
咄嗟武相深寬

洗指顧山東逆境開吏部声名千古在段碑
何處卧蒼苔

二月十七日欲招客飲而風霾不果

有作

欲携佳客燕高堂園館春風又作狂猶挾冰
霜餘意氣未分桃李好風光青山在賴藏雲
岫流水生波灑野塘不飲何妨还燕坐閉門
掃地獨焚香

鴻軒下有薔薇余初至時生意盖僅

存耳余為灌溉壅護今年春遂大盛
仲春着花數百萼大幾如芍藥丰盛
妍麗頃所未見也余有黃州之行酌
酒賞別

堂下薔薇親灌溉辛勤總見一春花時如轉
轂乍停軌客似飛鴻不定家一歲相邀伴寂
寞明年誰復對芳華車又向黃州去風月
相望一嘆嗟

早登望嵩樓望少室雪畏風不敢招

客

城中春雪消望松樓上對岿峩已披氤
霧呈孤秀未許春寒上沉寥子晉王笙如不
隔浮五仙袂欲相招便思喚客同清賞苦畏
春風入弊貂

下春風頌

東歸已過春風嶺度盡千山路漸平人事水
泡能幾日流光駒隙却堪驚居人落々多新
屋行店依々認旧程世事飽諳身已老區々

來往咲浮生

江亭別故人

津亭把酒燕西東無復餘花一點紅農事一
春荒積雨長淮千里駕東風休談世事循環
外且寄騷然醉眼中舡鼓已鳴篙纜起客行
何事亦匆匆

讀黃魯直詩

江南宿草一荒丘試讀遺編涕不收不踐前
人旧行迹獨驚斯世擅風流一尊華髮江邊

客萬里黃茅嶺外州
虎豹磨牙九國遂重華
可訴且南游

登城隍廟

靈祠孤絕壓城頭
下瞰清濠一曲流
盡日風埃昏几席
有時蕭鼓祭春秋
西瞻太昊祠
千樹北望封君土
一丘客登臨一長望
春心容易起騷愁

奉謙揚君子好文也
廉靜樂道不交世俗
造道微妙自得
不耀未六十而

終余實銘其墓
其子克一又纂其遺文
求書卷末懷想平昔
不知涕之橫集也

揚君冢木已蕭蕭
筆墨遺文久寂寥
墮淚交親悲宿草
長飢奴僕守空瓢
平生好學誰能繼
後世高名骨已消
欲酌一杯澆墓隧
遺魂楚些尚能招

老舅寓陳諸况不能盡布
以二詩代書得閑為和自也

欲知老子居陳事古寺蕭條屋教楹
韋免絕
類慙孔老更無環堵羨
湫明參差拙計何曾
是寵辱浮雪無可驚
斷送光陰湏美酒唯應
此事費經營

二

浮生已老付悠悠
未免飢寒目下憂
全仗黃庭能却老
白髮更悲秋
所欣耳界長清
靜漸放心君得自由
苦消
未盡每逢
風月亦閑愁

贈邠老

極蒸噓念子柯山守
曰廬廬史今

無僧送米

吏徵租上書
自薦心應

恥扶策躬耕計未疏

関今肅穆王門

行看曳長裾

張右史文集卷第二十五

七言律詩

依韻和范三登淮亭

身如客雁寄汀洲
北望休登王粲樓
殘雪朔風驚歲晚
早梅新柳動春愁
免遭斤斧甘無用
敢向波濤較善游
奔走塵埃欲歸去
勒移恐作故山羞

離山陽入都寄徐仲車

孤城芳樹碧層層
村落黃昏只見燈
迴首事

如前夕夢出門心似下山僧
仕求行道時難
偶意欲謀閑力不能
寄語東臯多釀酒待余
歸日解行滕

題淮陰孫簿壁

荒涼官舍對淮流
樽酒相逢為少留
夾道老椿鴉哺子
隔牆芳草牧呼牛
渡頭人散前村
市天際帆來何處舟
自古詩人最多感
新篇應解寫騷愁

題洪澤亭

三年淮海飄萍客
今日亭邊再艤舟
人似垂楊隨日老
事如流水幾時休
閑於萬事常難
得仕以為生最拙
謀此世定知猶幾
至遑
奔走定何求

宿泗州戒壇院

樓上鳴鐘門夜扃
風簷送雨入疎櫺
老僧坐睡依深壁
童子持經守暗燈
千里塵埃長旅泊
五年憂患困侵陵
誰如避世天然子
一見禪翁便伏膺

天然丹霞也

宿柳子觀音寺

黃塵滿道客衣穿古寺荒涼暫息肩
倦体臥來便穩榻汗顏濯去快寒泉
野僧治飯執蔬至童子携茶對客煎
夜久月高風鐸響木魚呼覓五更眠

寄滁州邵子發同年

其一

夫子才豪官尚早窮城冷落有誰知
莫嫌五斗行高吳且與青山賦好詩
得失可齊陶令何當慰別離

其二

年來萬事付禪宗兩鬢雖青心已翁
欲請一厘希許子更將五斗繼名功
春來行樂君應厭老去裁詩我未工
聞道琅琊山色好為題新句寄清風

雁

知時避就物之難千里蕭蕭振羽翰
水國稻

收朝食之海天霜重夜飛寒烟雲秋去南山
暖風日春歸朔野寬九萬騰凌那可測弋人
增繳謾多端

己未早春有感

南國柳黃鶯未知人情何事恨春遲雪抽宿
麥晴來葉雨長拈揄燒後枝載酒有誰尋寂
寞受薪只合學支離近知壁覘安心法亦擬
平治不作詩

同袁思正諸公登楚州東園樓

杖藜蕭颯對雲沙白首逢春只歎嗟身老易
傷千里目眼驚還見一年花地平曠野連雲
直天帶清誰向海斜尚有風光供醉筆我生
詩酒是生涯

和宏父新秋詩

年々庭下梧桐葉長為騷人先報秋已驚歲
月悲霜髮更望山川歌四愁浮生百感漫自
苦一醉萬慮同時休瀛洲仙客莫惆悵直泛
三山烟浪舟

送江瞻道之汝陰尉

少年相見已蹉跎，千里分携可柰何。
世路險巇知子少，人間憂患屬余多。
二年窮巷山陽客，一棹秋風潁水波。
我為離居感身世，援琴西望獨悲歌。

同周楚望飲花園

杖藜携手踏青苔，蕭洒池亭為客開。
柳色漸經秋雨暗，荷香時與好風來。
斜陽似欲粧詩句，新月邀將入酒杯。
身世已甘長寂莫，忘形

賴有子緋細

登楚望北樓

裊々危樓百尺梯，秋風有客獨攀跻。
路窮流水遠更遠，目斷夕陽西復西。
簾卷似迎輕燕入，柳深時有暗蟬嘶。
洞庭落葉悲騷客，鴉鷁何勞著意啼。

赴官壽安泛汴

其一

西來秋興日蕭條，昨夜新霜緝緼袍。
聞遍菊

花殘蕊盡落餘寒水日痕高蕭蕭官樹皆黃
葉處處村旗有濁醪老補一官西入洛幸聞
山水頗風騷

其二

落泊雲隨宿雨開西風似與早寒催曉天雁
起平沙去霜岬風鳴敗葉來擾擾勞生移歲
月紛紛過眼旋塵埃求田問舍真良策功業
應須與命偕

過少室

驅車繼日未知勞翠靄嵐光下褐袍日暖峯
巒開少室雪餘松栢近嵩高山行歲晚風霜
苦地勢西來氣象豪勝事欲歌絲滿目烟霞
深處欲誅茅

寄蔡彥規兼謝惠酥梨

其一

白煮新酥籠旋開秦霜猶汗紫梨腮日園歌
舞唐官廢灌頂醍醐佛國來寄我遠傳千里
意恨君不舉百分杯西來新味饒鄉思誰能

湖魚幾日迴

其二

洛川北岍錦屏西竹樹蕭蕭面翠微風月有情常似曰山川信美不如歸文章送老甘無用魚鳥從游久息機寄語長安倦游客年來何事素書稀

三鄉懷古

清洛東流去不還漢唐遺事有無間廟荒古木連空谷宮廢春蕪入亂山
旣賦詞南陌絮飛人寂空城花落鳥閑登臨幾度游人老又對東風鬢欲班

壽安懷古

蕭王積甲事空傳子晉吹笙去不還千里荒蕪山色在百年興廢水聲閑雉飛隴麥新耕地花落叢祠曰戟閑旅官遠游仍吊古若無樽酒柰愁顏

水軒書事招壽安僚友

官閑不覓簿書勞一簟清風午枕高靜拂小

屏圖女兒就書新竹記離騷城空閑雉孤飛
律柳暗鴉嬰學語嬌東縣官曹誰過我欲酤
村酒具山庖

連昌宮

長安王氣已消磨弔古遺墟恨愴多宮旬成
塵新草木丘陵無主故山河雨餘耕隴尋遺
寶夜靜溪泉響細波才子已銷泉下骨百年
猶諷曰時歌

觀洛漲

雨鎖三川晝不開洛波一夕漲如催西來勢
蹴諸山動東轉聲包厚地迴一片曉光吳陣
甲萬掙南響會稽雷何人共此乘掙志直到
蓬瀛亦壯哉

芳華閣

玉仗無蹤輦路摧旧名猶得榜高臺月斜曉
樹鳴鴨鵝日暖春蕪放雉媒清洛夜声縈谷
轉錦屏晴色照人來淒涼滿眼吳亡恨誰是
蕪城作賦才

福昌雜詠

一

張翰飄然欲鱸周南久客意何如
風悲故國荆榛地日落室城雉兔墟
明月搗衣聞洛汭故人憑雁寄南書
旅歌辛苦室彈缺誰念朝盤未食魚

二

東望川原拱別都漢唐冠蓋已丘墟
地橫嵩少樵中夏天險輾轉困萬夫
宮殿荒涼吳廢恨山河慘淡戰爭餘
登臨不見淮南道只有風塵化客裾

三

乘雲飛去不辭家女兒荒祠一迳斜
溪入苑雲鳴珮玦樹磻蒼石老龍蛇
夜寒玉鏡懸清月天碧霓衣曳彩霞
陵谷易遷塵骨老衰頽更欲伏丹砂

四

天倚崗巒翠萬重倚樓搔首更書空
萑苕古

屋荒秋雨草木空山起夜風漢帛北來邀塞
雁楚招南望憶江楓塵埃流落悲生事白髮
年來擬見收

五

滿目淒涼供客愁斷霞殘照想滄洲風雲蕭
瑟三川夜星斗縱橫萬壑秋騎省哀遲空作
賦荆蛮留滯感登樓迷魂不待巫陽些自有
騷詢繼遠游

福昌

故苑芳華路已迷連昌宮闕露沾衣繁華冠
蓋當時事戰伐山河萬古悲野色蒼涼新雨
地秋聲蕭瑟夕陽枝塵埃未有東歸計天畔
登臨且賦詩

牛谷口

十萬全師一戰擒谷盤蒼磧路幽深淒涼今
古興七事遼闊英雄割據心漲浴暮連諸谷
雨秋雲低抱半山陰文皇功業今何處磨滅
荒碑蔓草侵

歸馬

歸馬駸駸不受鞭
晚霞如畫照晴川
蕭疎黃葉孤舟岼
零落秋雲斷雁天
臨水登山悲楚客
烹雞酌酒愛詩仙
任從老逐雙毛至
莫遣愁來王蓋邊

又

蕭蕭雙鬢獨驚秋
病眼天邊暮倚樓
已老馮唐猶不遇
思歸庾信正多愁
溪通積雨流方壯
山入重雲翠未休
一夢淮南經歲別
菊杯

還向洛陽浮

官舍歲暮感懷書事

一

衙鼓夔夔送夕陽
經時無客上高堂
淵明柳老秋多雨
子敬氈寒夜有霜
山樹葉稀晴摘果
齋爐灰暖曉焚香
徑綸自有英雄在
閑散須教屬漫郎

二

修竹高槐交映門
公居蕭洒近山雲
醉眠多

似陶彭澤官况貧於鄭廣文
秋菊擣麈供曉餌寒松收子和
香焚經年門巷無車馬只有
清風伴此君

三

霜菊娟娟尚有花蕭條廳樹暮啼鴉
竿修竹開侯府十里青山隱相家
麋鹿並游諳野性詩書同對是生涯
冷官自有貧中樂敢向朱門肉食誇

四

北風吹雁去翩跹流滯周南又一年
田為歲荒陶令秫酒無人乞廣文
錢香籠鑄水清晨况坐暖蒲團後夜
禪更謝晴明好山色數峰

殘雪在簷前

五

筆冰茶甕素圍屏瀟洒幽齋燈火明
木落風霜初十月坐寒星斗欲三更
消磨永夜書盈案分付閑愁酒滿觥
于世愈疎身漸老官閑何苦厭山城

望女几雪

多戰高攢女兒晴卷簾初見雪崢嶸光迎曉
日峰千疊氣入陰風夜五更晴色北臨秦甸
白寒威東抱洛陽清坐看清壑承餘澤付與
春田次茅耕

永濟橋

墟廟無人吊毀垣放橋遺址至今存侵波野
岼生新草齧石老沙田日痕金殿有基藏堯
穴王輿去路半樵村甘棠古道輪蹄斷落日

空山暮雨昏

雪晴野望

蕭々空谷隱山雲渡水人歸何處村樵逢雪
迷唐苑路鳥聲寒集漢祠門公堂吏散唯修
竹近頰林疎見飲猿客坐無毡君莫笑陶潛
亦有酒盈樽

福昌南望

朝市推遷不復還暮雲平野水潺湲二山川寂
莫繁華後都邑蕭條魚鳥閑鶴柱千年去故

老仙棊一局換人間興亡今古知何極莫向
雍琴妾慘顏

戒醉

平生嗜酒愛離騷痛飲須知屬我曹仕宦低
迴要斗粟功名迂闊欲霜毛直須減省尊壘
費莫厭沉迷簿領勞醉吐相茵君勿恃那公
遺事久寥々

醉宿慈氏院晨起

痛飲淋漓半夜醒披衣坐待曉寔明風松一

夕清乍限鑪火三更暖有情孤閣鳴鐘天黯
慘寒山戴雪晚淨噪年來漸向深杯怯強學
劉伶欲解醒

梅花

北風萬木正蒼々獨占新春第一芳凋鼎自
期終有實論花天下更無香月娥服取無非
素玉女精神不尚粧洛岸苦寒相見晚曉來
魂夢到江鄉

送丁宣德赴邕州簽判

邕南亭障久消兵，莫厭扁舟萬里行。
嶺外山川從古秀，幕中談笑屬時平。
天連漲海鵬飛近，風卷孤城颶母生。
勿為跼蹐思款段，古來男子重功名。

同陳器之題迎福院軒

東風吹面酒盈樽，臘後一番梅柳新。
殘雪作寒山向晚，橫烟不動野浮春。
地自京洛豪華氣，川帶秦韓戰伐塵。
今古悠悠君莫問，祇應沉醉是天真。

春陰

漠漠重雲向晚，但臘寒新去，有餘威風稍戾。
滴雞開幌，潤引爐香，易著衣把酒，自傾金錯。
落探春誰汗，錦障泥，山城冷落，無歌舞，只有
芳醪取次携。

又

溪樹昏昏鎖暮雲，晚山愁黛對含顰。
不甘小雪猶妨暖，長恨閑陰每占春。
寶帶金貂，侯第客鈿車，珂馬帝城塵。
王城自古繁華地，回首

高歌悵望頻

寒食贈遊客

陰：畫幕映雕欄，一縷微香寶篆殘。寒食園
林三月近，落花風雨五更寒。箏調寶柱絃初
穩，酒滿金壺飲未乾。明日踏青郊外去，綠楊
門巷繫雕鞍。

登穀州故城

控扼兵屯事已遼，傾歌遺堞隱蓬蒿。春苔滿
野牛羊散，秋稼連雲雉兔驕。苔臥斷碑昏故
刻，雨飄殘枿帶餘燒。人間興廢何極，知莫謂
荆榛便寂寥。

東池

東池暮春風景妍，酒：淺渠鳴細泉。菖蒲遠
堤青似劍，荷葉出水大如錢。薔薇著花方未
已，楊柳飛絮任飄然。鄰翁為藥正足，雨預計
開時，須醉眠。

暮長贈陳器之

牡丹開過解鞦韆，鴨鵝鳴時三月天。盡日好

風吹絮雪一池春
水泛蓮錢溪邊蒲筍供朝
飯堂上圖書伴晝眠
端坐窮城何所得只取
風月入新篇

張右史文集卷第二十五

張右史文集卷第二十六

七言律詩

和陳器之謝王澠池牡丹

十首新詩換牡丹
故邀春色入深山
御袍黃

粉天然薄醉臉
胭脂分外殷
所得牡丹有御袍黃添色紅二

種開晚東君
畱意厚
常晚者開
落遲晴晝伴春

閑
洛人
以幕
蔭狂來
滿插烏紗帽
未擬尊前

感髮斑

和問鶯

丹：東風萬柳絲啼鶯常自與春期粧殘玉
枕朝醒後綉撻紗窓晝夢時文羽自音非谷
隱好音應合有人知風流潘令多才思為尔
春來幾首詩

同器之游大宋陂值雨

微雲護日曉陰陰春去餘芳尚可尋詩倚醉
豪連卷寫酒逢勅敵百分斟山光左右雙屏
盡雨脚崢嶸茅羽林沙路晚晴歸馬疾一梳
新月上煙岑

和陳器之苦雨

急雨凄風未肯歸三川烟樹遠淒迷瀉山漲
潦千霆怒到重雲茅幕低擾：泥塗同鷺蕭
蕭昏晚聽鄰鷄為君一借扶搖便靜掃平郊
散馬蹄地野

依韵和晁十七見招之什

斷送春光酒為壺敢辭羸馬為君驅素田日
暖鳩呼婦楊柳葉深鶯哺鴉詩冷有情尋水
石年豐在盜起雀蒲河陽潘令風騷客醉倒

尊前許我無

鹿仙山

溪清山秀隱神仙
乘鹿真人去幾年
天地壺中客
到方書肘後有誰傳
秦皇採藥迷蓬島
漢武燒金得紫烟
真境寥々在何處
未容塵世妄攀緣

寄晁應之

強讀詩書歎白頭
一官飄泊寄東周
匏瓜有繫身難去
人足去音境更幽
晚接賢豪寬病

思老將文字寫離憂
相思一夕親談笑
夢斷雲山相對愁

又

瑜珥瑤環豁眼明
碧梧翠竹照人清
同車汲黯今難技
挾彈潘郎旧有名
自是風流襲家世
行看淡笑取公卿
塵埃落魄誰如我
一事已成白髮生

喬木

舍北參天喬木長
依憑清蔭護高堂
鳥啼香

杳重陰合風到翩
翠葉涼已許孤高陵夏
日不妨堅老要秋霜
投身麋鹿吾人地非尔
煩憂未易忘

竹堂

誰道清貧守冷官
遠家十羊翠琅玕
直應流水深相與
不待清風已自寒
孝得鳳鳴真自許
化成龍去不終蟠
知君何世無來者
可是王郎獨與歡

夏日

詩書老去信無功
偷得閑官許養慵
山影當庭初轉日
水聲穿竹自來風
晚催萱藥昏還歛
日射榴房午更紅
覽物賦詩成底事
蕭蕭雙鬢欲衰翁

又

重雲卷雨過山來
遍洒中田到曉迴
錯落晴山移斗極
陰森暗峽宿風雷
佳人夜夜齋純恨
騷客年年鵜鶘哀
欲見清秋近消息
月明白露濕蒼苔

至日有感

雨逢至日驚身老遠寄周南覽物悲在節風
烟長慘々他御人物自熙々荆榛靖混秦關
破草樹芳華隋苑隙隋有芳華在邑轉悵望高歌一
回首茲辰樽酒莫相違

又

一臥孤村西見冬獨搔華髮思亡窮荒山極
目漫汗雪老樹當庭晝夜風佳節妻兒具尊
酒茅齋斟酌慰愁翁未央曉賀瞻天冕正在

鑪烟標御中

歲暮福昌懷古四首

穀州故城

原北荒城曰穀州文皇功業莽悠悠々天戈揮
去開東夏金甲歸來敵二囚想像英姿輝日
月蒼茫故國委林立山川慘々空回首落日
悲風蔓草秋

張子房

謀臣何世不知名誰與留侯敢抗衡籌下四

亡分楚漢幄中談笑走韓彭
恨誅老將爭梟首
高臥成功更養生
戡亂直須希世哲
乘時兒女漫縱橫

李賀宅

少年詞筆動時人
未俗文章久失真
獨愛詩篇超物象
祇應山水與精神
清溪水拱荒涼宅
幽谷花開寂寞春
天上玉樓終恍惚
人間遺事已埃塵

連昌宮

欲問吳亡已慘顏
桑田滄海變人間
苦情野水青春在
不動南山白日閑
伐木清溪寒剝啄
鳴禽高柳曉綿蠻
蛾眉皓齒終黄土
推道仙宮有使還

以病在告寄揚器之

飲冷寒中不自支
故應病骨易尪羸
老人素懶何妨病
太守兼容得自如
雨汗欺風元自濕
火雲挾日故行遲
江樓清絕真辜負
正是齋居禁酒時

余元豐戊午歲自楚至宋由拓城至
福昌年二十有五後十年當元祐二
年再過宋都追感存歿悵然有懷

宋玉臺前官樹林十年孤客獨沾矜白頭青
鬢隔存歿落日斷霞無古今暮雲梁苑雁鷺
暗夕波吳舡江海深閱世悲歡嗟老眼呼兒
取酒十分斟

宿馬莊寺

衝泥我馬僵欲仆空村落日不逢人開門野

寺淨如掃迎客老僧閑更真佛案青黃園果
細齋厨汲洗野蔬頻年來到處無餘念靜對
同龕金色身

永城道中

東行十日何所有衰草白茅梁宋陂大風官
樹吹半折欲雨野雲垂不飛十年所遇半陳
迹千里獨愁懷所思他日江湖片帆去白頭
青鏡久相期

贈拓城簿王微之

青衫得祿苦不足白髮生頭頗有餘賦就相
如猶滌器王作宋都賦詩成賈島獨騎驢先生五
斗不掛眼漫郎一官聊讀書自古好賢慚好
色何人朝夕駕于株

夜泊泗上阻風雨

雨昏古岸斷人跡天黑孤城閉水閣燈火樽
前初擁膝風雲淮上欲移山避人魚鳥那足
怪吹浪蛟龍不自閑便使乘撐六何事蒼波
歲晚合知還

喜七兄疾愈

淨名居士本非病五禽先生能養身家人但
訝少林觀鄉里不知顏子負身內固知精是
藥人間唯有道通神喜問漸離烏皮几花氣
晴來欲逼人

又

南鄰隱士龍虎鼎陸先生平叔東寺比丘堅
密身圓明師戒欲知十室有信處願此兩賢
非世人戰勝天魔初起定七兄已緣寶成丹竈

不妨貧道兄新悟 何時共此間居士紫纓長衫
樂社神

送曹子方赴福建運判

平生鄴下曹公子家世風流合有文橫槊尚
傳瞞相國紫髯不是畫將軍治書寬大民何
怨刺史威嚴吏合勤好作楚詞更下俚雲中
一降武夷君

次韻盛居中夜飲

吳衣屐拂洛陽塵夢寐一樽淮海濱每願托
車嘗貯酒况逢投轄苦苗賓蒼龍掛斗寒垂
夜翡翠浮花暖作春上界高真足官府追隨
却屬散仙人

送麻田吳子野還山

麻田老仙身取風萬里一息如飛蓬行窮山
川出天外閱盡世界歸壺中經過賣藥勾漏
客鄉里高年南極翁我亦有心遊八極從公
一借葛陂龍

和子谷

年芳經雨能幾許客愁得暖不肯融眼看乳
燕行已哺手種小桃隨分紅世情付睡莫涇
渭物態逢春無異同清時賴是未禁酒須惜
紅紫轉頭空

又

愛酒苦無阿堵物尋春亦有主人家未容黃
蜂釀成蜜已怕惡雨不容花雲間明月誰可
攬海中蟠龍良未涯浮名誤人不得脫黑髮
減來那復加

和門下相公後駕幸學

繼聖文明齊曰章儒宮傳蹕駐膠庠地疑闕
里絃歌宅經奏周書隸古行道子東夷思入
孝受成西旅佇來王魯侯在泮猶歌禘盛事
須刊孔子堂

效白体

功名富貴付悠悠高卧山城又過秋燕坐香
燈為靜侶閑行麋鹿是同游青黃草木新霜
過蕭洒溪山夜雨收回首十年梁苑客枉交

白却少年頭

又

州貧須惜尊壘費俗陋兼与妓樂名幸有蒲
團供燕坐不妨藜杖助閑行着炊香稻供齋
飯自採寒蔬試野美身外無營內無事近來
心氣儘和平

劾白体贈楊補之

青衫居士斷葷血一榻蕭然如在山堂下黃
花驚歲晚尊中綠酒覺官閑胷中已了一事

官梅白一重

書壁

晴窓浴罷試春衣芳草江南三月時陰合園
林禽語樂風和庭院絮飛遲漫郎官事只畫
諾騷客生涯惟賦詩極目江天已多恨何須
木落長年愁

和王繼道祈雨有應

江鄉長夏亢陽驕太息秋原稻穗焦暑氣暮
收秦地火項羽火咸陽三月不息雨声秋響浙江潮五

甚大勢
雨勢
夜齋涼送簷間滴
曉枕清聞竹上飄
椒
糝
祀
神
慙
德
薄
聖
朝
當
守
四
時
調

張右史文集卷第二十六

書